

# I gnûfs ambassadôrs dal Fat in Friûl

Dodis fis di emigrants furlans in Sudameriche a àn partecipât a un cors di perfezionament post lauree organizât de Universitât dal Friûl in colaborazion, par altri, cu la Associazion cooperativis furlanis

Si è sierât cun profit il Cors di perfezionament post lauree "Valôrs identitaris e imprenditorialitât" organizât de Universitât dal Friûl e riservât a 12 dissidents di emigrants furlans in Sudameriche. La cuarte edizion e à viodût la colaborazion, in plui di svaredis associazions economicis e culturâls, ancje de Associazion Cooperativis Furlanis di Udin. A chest fin, il president Flavio Sialino al à sotlineât: «Fin de sô prime edizion il mont de cooperazion al à ricognossût inte iniziative un moment impuartant di confront cun furlans di tierce, cuarte gjenerazion o

di gjenerazions sucessivis, che a mantegnin lis lidris culturâls originariis, ma che a vivin in contestej sociâi diviers. No dome un confront culturâl, ma ancje un moment par proponi la cognossince mutuâl su lis ecelencis economicis e produtivis dai paîs di

ognidun. Nol va dismenteât - al à zontât Sialino -, che chescj 12 corsiscej a saran dal sigûr i miôr ambassadôrs dal Made in Friûl intai lôr Paîs di divignince, cemût che al è za daûr a sucedi cui partecipants aes edizions di prime,



I dodis partecipants ai cors tal cortil de universitât tal moment de scree des ativitâts.

che a mantegnin ancjemò rapuarts strents cui responsabi dal Cors».

La Associazion Cooperativis Furlanis e à fat cognossi ai corsiscej no dome un model societari, chel cooperatîf, tant particolar e cuntune capacitât fuarte di in-

tercetâ la esigjence di fâ imprese, coniugantle cul rispiet di valôrs di solidarietât, sussidiarrietât e mutualitât. Ma e je stade ancje buine di fâ cognossi miôr lis produzions de cooperazion, in

particolâr chês agroalimentârs, che a fasin la nestre economie cussì disvilupade e preseade. Sialino si è augurât che la esperience e puedi continuâ ancje se in futûr, formant ancjemò zovins in stât di fâ propriis i valôrs de imprenditorie furlane, che e à otignût tancj sucès ator pal mont, e espuartâju pardut.

Intal sierâ il percors formatîf, Sialino al à dit graciis aes cooperative e ai consorzis che, in chesta edizion dal Cors, a àn dât la disponibilîtât a ospitâ i zovins e a lâ daûr intai lôr studis: Bio-Res., Vettori Ultramondo, Sant'Angela Merici, Consorzi di Bonifiche Basse Furlane e Consorzi di Bonifiche Ledre Tiliment.